

**Қазақстан Республикасы Үкіметінің 2004 жылғы 21 желтоқсандағы N 1351 қаулысына өзгеріс енгізу туралы**

Қазақстан Республикасы Үкіметінің 2005 жылғы 17 қаңтардағы N 20 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. "Қазақстан Республикасының Үкіметі мен Ресей Федерациясының Үкіметі арасындағы "KAZSAT" байланыс және хабар таратудың қазақстандық спутнигін жасау жөніндегі ынтымақтастық туралы келісім жасасу туралы" Қазақстан Республикасы Үкіметінің 2004 жылғы 21 желтоқсандағы N 1351 қаулысына мынадай өзгеріс е н г і з і л с і н :

жоғарыда көрсетілген қаулымен мақұлданған Қазақстан Республикасының Үкіметі мен Ресей Федерациясының Үкіметі арасындағы "KAZSAT" байланыс және хабар таратудың қазақстандық спутнигін жасау жөніндегі ынтымақтастық туралы келісімнің жобасы осы қаулыға қосымшаға сәйкес жаңа редакцияда жазылсын.

2. Осы қаулы қол қойылған күнінен бастап күшіне енеді.

*Қ а з а қ с т а н            Р е с п у б л и к а с ы н ы ң*

*Премьер-Министрі*

Қ а з а қ с т а н            Р е с п у б л и к а с ы            Ү к і м е т і н і ң

2 0 0 5     ж ы л ғ ы     1 7     қ а ң т а р д а ғ ы

N     2 0     қ а у л ы с ы н а

қ о с ы м ш а

Ж О Б А

**Қазақстан Республикасының Үкіметі мен Ресей Федерациясының Үкіметі арасындағы "KAZSAT" байланыс және хабар таратудың қазақстандық спутнигін жасау жөніндегі ынтымақтастық туралы КЕЛІСІМ**

Бұдан әрі Тараптар деп аталатын Қазақстан Республикасының Үкіметі мен Ресей Федерациясының Үкіметі,

1994 жылғы 28 наурыздағы Қазақстан Республикасы мен Ресей Федерациясы арасындағы "Байқоңыр" ғарыш айлағын пайдаланудың негізгі қағидаттары мен шарттары туралы келісімді, 2004 жылғы 9 қаңтардағы Қазақстан Республикасы мен Ресей Федерациясы арасындағы "Байқоңыр" кешенін тиімді пайдалану жөніндегі ынтымақтастықты дамыту туралы келісімді және 1994 жылғы 10 желтоқсандағы Қазақстан Республикасының Үкіметі мен Ресей Федерациясының Үкіметі арасындағы "

Байқоңыр" кешенін жалдау шартын назарға ала отырып,  
Қазақстан Республикасы мен Ресей Федерациясы арасындағы ғарыш кеңістігін игеру және пайдалану саласында өзара тиімді ынтымақтастықты дамыту мүдделерін негізге ала отырып,  
төмендегілер туралы келісті:

### **1-бап**

Осы Келісімнің мақсаты Тараптардың геостационарлық орбитада "KAZSAT" байланыс және хабар таратудың қазақстандық спутнигін жасау жөніндегі ынтымақтастығын жүзеге асыруға арналған негізгі қағидаттар мен шарттарды айқындау және оның базасында ғарыштық байланыс пен хабар таратудың қазақстандық жүйесін жасау болып табылады.

### **2-бап**

Осы Келісімді орындау үшін ынтымақтастық халықаралық құқықтың жалпы танылған нормалары мен қағидаттары сақтала отырып және Тараптардың өз мемлекеттері қатысушылары болып табылатын басқа Келісімдер бойынша міндеттемелерді орындауына залал келтірілместен Тараптар мемлекеттерінің осы Келісімге қайшы келмейтін заңнамасына сәйкес жүзеге асырылады.

### **3-бап**

Осы Келісім бойынша уәкілетті органдар:

Қазақстан Тарапынан - Қазақстан Республикасы Ақпараттандыру және байланыс агенттігі, Қазақстан Республикасы Білім және ғылым министрлігі;

Ресей Тарапынан - Федералдық ғарыш агенттігі мен Ресей Федерациясы Ақпараттық технологиялар және байланыс министрлігі болып табылады.

Осы Келісімнің мақсаты үшін "ынтымақтас ұйымдар" термині осы Келісімнің шеңберінде нақты жұмыстарды (қызметтерді) орындайтын (көрсететін) ұйымдарды білдіреді.

Қазақстандық "KAZSAT" спутнигін әзірлеу, дайындау, геостационарлық орбитаға ұшыру және кейіннен пайдалану жөніндегі міндеттемелерді орындаумен, сондай-ақ Қазақстан Республикасының аумағында жерүсті басқару кешенін және байланыс мониторингі жүйесін жасаумен байланысты нақты жұмыстарды (қызметтерді) орындау (көрсету) жөніндегі ынтымақтас ұйымдар:

Қазақстан Тарапынан - "Ғарыштық байланыс және радиоэлектрондық құралдардың электромагниттік үйлесімділігі республикалық орталығы" акционерлік қоғамы, "Казсат" акционерлік қоғамы Ресей Тарапынан - "М.В. Хруничев атындағы Мемлекеттік

Ғарыш ғылыми-өндірістік орталығы" Федералдық мемлекеттік біртұтас кәсіпорны, " Ғарыштық байланыс" Федералды мемлекеттік біртұтас кәсіпорны болып табылады.

Тараптар өздерінің уәкілетті органдары мен ынтымақтас ұйымдары өзгерген жағдайда дипломатиялық арналар бойынша бір-бірін жедел хабардар етеді.

#### **4-бап**

"KAZSAT" спутнигі геостационарлық орбитаға шығарылады және Тараптардың байланыс әкімшіліктерінің арасындағы орбиталық-жиіліктік ресурсты халықаралық үйлестіру мәселелерін айқындайтын жеке келісім бойынша "KAZSAT" спутнигі үшін қажетті жиіліктік-поляризациялық жоспармен Тараптардың келісімі бойынша айқындалатын геостационарлық орбитада уақытша берілген үйлестірілген ресейлік орбиталық позицияда орналастырылады.

#### **5-бап**

Ынтымақтас ұйымдар спутниктің, жерүсті басқару кешені мен "KAZSAT" байланыс және хабар тарату ғарыштық жүйесі байланыс мониторингі жүйесінің, орбиталық-жиіліктік ресурсының келісілген талаптары мен сипаттамаларын, "KAZSAT" спутнигі мен жерүсті басқару кешені объектілерін және байланыс мониторингі жүйелерін пайдалануға тапсыру-қабылдап алу, қазақстандық персоналды даярлау мен оқыту шарттарын айқындайды және оларды келісім-шарт шеңберінде іске асырады.

#### **6-бап**

Осы Келісімнің шеңберінде жүргізілетін ұйымдастырушылық, қаржылық, құқықтық және техникалық сипаттағы жұмыстар жөніндегі қағидаттар, нормалар және рәсімдер жекелеген келісім-шарттардың (шарттардың) нысанасы болып табылады.

Тараптар ынтымақтас ұйымдар жасасқан жекелеген келісім-шарттардан (шарттардан) туындайтын міндеттемелер бойынша жауаптылықта болмайды.

#### **7-бап**

Қазақстан Тарабы осы Келісімнің шеңберінде:  
қажетті көлемдегі жұмыстар мен қызметтерді қаржыландыруды;

Қазақстан Республикасының аумағында "KAZSAT" спутнигін жерүсті басқару кешені мен байланыс мониторингі жүйесін орналастыру және пайдалану үшін қажетті жерүсті инфрақұрылым объектілерін құруды қамтамасыз етеді.

#### **8-бап**

Қазақстандық спутниктік жүйе бойынша Халықаралық электр байланысы одағындағы үйлестіру іс-шаралары рәсімін ескере отырып, "KAZSAT" спутнигін ұшыру сәтінде геостационарлық орбитадағы уақытша бос орбиталық-жиіліктік ресурсқа иелік ететін Ресей Тарабы Қазақстан Тарабына уақытша негізде (спутниктің орбитада белсенді түрде болу мерзіміне, бірақ 15 жылдан көп емес) Тараптардың келісімі бойынша, сондай-ақ қолданыстағы халықаралық үйлестіру келісімдерін ескере отырып, "KAZSAT" спутнигі үшін қажетті жиіліктік-поляризациялық жоспармен үйлестірілген орбиталық-жиіліктік ресурсты береді.

Тараптар радиожіліктік спектрді бөлу мәселелері бойынша ақпаратпен алмасуды жүзеге асырады және жиіліктердің бөлінуін бірлесіп қорғау мәселелерін қоса алғанда, Халықаралық электр байланысы одағында орбиталық-жиіліктік берулерді үйлестіру мәселелерінде бір-біріне жәрдемдеседі.

## **9-бап**

Тараптар 1975 жылғы 14 қаңтардағы Ғарыш кеңістігіне ұшырататын объектілерді тіркеу туралы конвенцияға сәйкес "KAZSAT" спутнигін геостационарлық орбитадағы ғарыштық объект ретінде тіркеуді бірлесіп қамтамасыз етеді.

## **10-бап**

Қазақстан Республикасының кедендік аумағына, соның ішінде қазақстандық "KAZSAT" спутнигін, жерүсті басқару кешені мен байланыс мониторингі жүйесін жасау мен оны орбитаға жеткізу жобасын іске асыру мақсаты үшін үшінші елдерден әкелінетін қосалқы жабдықты, бағдарламалық қамтамасыз етуді (бұдан әрі - Жабдық) қоса алғанда, жабдық және оның жиынтықтары Қазақстан Республикасының аумағында кедендік төлемдер алудан, салықтар мен өзге де алымдардан толық б о с а т ы л а д ы д е п к е л і с т і .

Жабдықты кедендік ресімдеу Қазақстан Тарабы мемлекеттік органдарының лицензиялары мен басқа да рұқсаттары ұсынылмастан, тек Қазақстан Тарабының уәкілетті органы беретін, осы Келісімнің мақсатында Жабдықтың пайдаланылатынын растайтын құжат болған кезде жүзеге асырылады.

## **11-бап**

Тараптар осы Келісім бойынша ынтымақтастық барысында пайдаланылатын зияткерлік меншікті қорғауды Тараптар мемлекеттерінің заңнамасына, сондай-ақ қатысушысы бір уақытта Тараптардың мемлекеттері болып табылатын халықаралық шарттарға сәйкес қамтамасыз етеді.

Осы Келісім шеңберіндегі ынтымақтастық ынтымақтас ұйымдар мен Тараптардың

олар осы Келісім шеңберінде немесе одан тыс бірлескен қызмет басталғанға дейін алған зияткерлік меншік құқықтарын қозғамайды.

## **12-бап**

Тараптар, уәкілетті органдар және ынтымақтас ұйымдар Тараптар мемлекеттерінің заңнамасында және осы Келісімде белгіленген тәртіппен жасырын ақпарат алмасуды жүзеге асырады.

Жасырын ақпаратты Тараптар, уәкілетті органдар және ынтымақтас ұйымдар көрсетілген ақпараттың жеткізгішіне "Жасырын" деген белгі қою жолымен таңбалайды. Мұндай таңбалау үшін жауапкершілік ақпараты осындай жасырындылықты талап ететін Тарапқа, уәкілетті органға немесе ынтымақтас ұйымға жүктеледі.

Құпия ақпаратты беру және қорғау беруші Тарап мемлекетінің заңнамасында және 2004 жылғы 7 шілдедегі Қазақстан Республикасының Үкіметі мен Ресей Федерациясының Үкіметі арасындағы Құпия ақпаратты өзара қорғау туралы келісімде көзделген тәртіппен жүзеге асырылады.

Әрбір Тарап, оның уәкілетті органы немесе ынтымақтас ұйым екінші Тараптан, оның уәкілетті органынан немесе ынтымақтас ұйымнан алған құпия және/немесе жасырын ақпаратты өз мемлекетінің заңнамасына сәйкес қорғайды.

Осы Келісім шеңберінде орындалған бірлескен әзірлемелер туралы кез келген ақпарат оның қатысушысы болып табылмайтын үшінші тараптарға тек Тараптардың жазбаша түрде рәсімделген келісімі бойынша берілуі мүмкін.

## **13-бап**

Тараптар және олардың уәкілетті органдары бір-бірімен өздерінің іс-қимылын күні бұрын үйлестіре отырып, осы Келісім бойынша қызмет туралы жұртшылықты хабардар етуі мүмкін.

## **14-бап**

Тараптардың немесе олардың уәкілетті органдарының арасында осы Келісімді түсіндіруге және/немесе жүзеге асыруға байланысты даулар туындаған жағдайда Тараптар немесе олардың уәкілетті органдары достық реттеуге қол жеткізу үшін дипломатиялық арналар арқылы бірінші кезекте консультациялар немесе келіссөздер жүргізеді.

Осы баптың бірінші бөлігінде көзделген рәсімдерге сәйкес реттелмеген даулар реттеудің басқа әдістеріне қатысты келісім болмаған кезде Тараптардың біреуі екінші

Тарапқа реттеу туралы жазбаша сұрау жібергеннен кейін 6 ай ішінде Тараптардың кез келгенінің өтініші бойынша ЮНСИТРАЛ ережелеріне сәйкес құрылатын Төрелік соттың талқылауына жіберілуі мүмкін.

## 15-бап

Осы Келісім қол қойылған күнінен бастап уақытша қолданылады және оның күшіне енуі үшін қажетті мемлекетішілік рәсімдерді Тараптардың орындағаны туралы соңғы жазбаша хабарлама алынған күнінен бастап күшіне енеді.

Осы Келісім Тараптар өздеріне алған міндеттемелерді толық орындағанға дейін қолданылады.

Кез келген Тарап екінші Тарапқа осы Келісімнің қолданылуын тоқтату болжамдалған күнге дейін кемінде 6 алты ай бұрын оның қолданылуын тоқтату ниеті туралы жазбаша хабарлама жіберу жолымен оны тоқтата алады.

Осы Келісімнің қолданылуын тоқтату оның қолданылуы тоқтатылғанға дейін заңды тұлғалардың осы Келісімнің орындалуына байланысты туындаған құқықтарын немесе міндеттемелерін қайта қарау үшін құқықтық негіз бола алмайды.

Осы Келісімге Тараптар арасында жеке хаттамалар жасасу жолымен өзгерістер мен толықтырулар енгізілуі мүмкін. Аталған хаттамалар олардың күшіне енуі үшін қажетті мемлекетішілік рәсімдердің орындалғаны туралы соңғы жазбаша хабарлама алынған күні күшіне енеді.

Осы Келісім 2005 жылғы " \_\_\_\_ " \_\_\_\_\_ қаласында қазақ және орыс тілдерінде екі түпнұсқа данада жасалды әрі екі мәтіннің күші бірдей.

*Қазақстан Республикасының*  
*Үкіметі үшін*

*Ресей Федерациясының*

*Үкіметі үшін*